



LIPOTI MO LE FONO AOAQ FAITULAFONO

“Tulafono Tau Faaofi o Faiaoga 2015”

**Komiti o Mataupu Tau Aoga, Saienisi, Fesootaiga
ma Faamatalaga Tekonolosi**

(Tuuina atu i le Fono Aoaq Faitulafono)

1. FAUTUAGA:-

E fautuaina e le Komiti o Mataupu tau Aoga, Saienisi, Fesootaiga ma Faamatalaga Tekonolosi ia le Fono Aoaofaitulafono ina ia faautagia lana Lipoti.

2. TULAFONO TAU FAAOFI NA ILOILOINA:-

(Tuuina atu 21/03/2015)

Tulafono Tau Faaofi o Faiaoga 2015.

Na iloiloina e le Komiti o Aoga, Saienisi, Fesootaiga ma Faamatalaga Tekonolosi ¹ le Tulafono Tau Faaofi o Faiaoga 2015 ('TTF'), e tusa ai ma le Faatonuga na tuuina mai e le Fono Aoaofaitulafono i le aso 21 o Mati 2015.

3. TAUALUMAGA:-

Na valaauina e le Komiti le mamalu o le atunuu e ala i se faasalalauga faalauaitele i luga o le Televisi (S.Q.B. TV 1) o le leitio faasalalau a le Faalapotopotoga o Faasalalauga (2AP) ma le upega tafailagi a le Ofisa o le Fono, mo ni finagalo faaalua po o ni finagalo tusitusia e faatatau i lenei TTF. I tualumaga o Iloiloga a le Komiti sa fofogaina ai molimau tuufofoga faatasi ma molimau tusitusia sa mafai ona tuuina mai i luma o le Komiti. ²

Na tapā e le Komiti le fesoasoani a i latou nei a o faagasolo ana iloiloga.

FESOASOANI (T. T. 156)

Ofisa o le Loia Sili:

Tuatagaloa Aumua Ming Leung Wai	-	Loia Sili
Loretta Teueli	-	Loia Sili Lagolago
Meiapo Faasau	-	Loia Lagolago Tusi Tulafono
Rupeni Nawaqakuta	-	Loia Faufautua Tusi Tulafono
Leitu Moananu	-	Loia Sinia Tusi Tulafono

Matagaluega o Aoga Taaloga ma Aganuu:

Matafeo Falanaipupu T. Aiafi	-	Ofisa Sili o Pulega
Maimoana Petaia	-	Ofisa Sili Lagolago

¹ Tulafono Tumau 172, O le avea o le tiute tauave o le Komiti le:

- Iloiloina o so o se tulafono tau faaofi, talosaga po o so o se isi mataupu ua tuuina atu e le Fono Aoaofaitulafono po o e tusa ai ma Tulafono Tumau; ma ia Tala Faatatau o Tupe po o le toe iloiloina o le faatino o galuega a matagaluega e pei ona tuuina atu i ai e le Komiti o Tupe Maua ma Tupe Totogi;
- Suesueina o le faiga faavae, pulega ma tupe alu a matagaluega ma faalapotopotoga a le malo po o nisi faalapotopotoga e fesootai i mataupu tau aoga, taaloga & aganuu, saienisi, fesootaiga ma faamatalaga tekonoosi.

² Silasila i le Vaega 7 - Molimau.

Polataivao M. Tiotio	-	Ofisa Sili Lagolago
Faatamalii Jenny Lauano	-	Ofisa Sili Lagolago
Vau Peseta	-	Ofisa Sili Lagolago
Werner Kappus	-	Ofisa Sili Lagolago
Maina Field	-	Ofisa Sili Lagolago
Peone Fuimaono	-	Ofisa Sili Lagolago
Leota Valma Galuvao	-	Ofisa Sili Lagolago

4. AOTELEGA O SAILIILIGA:-

O lenei TTF e pei ona faamauina e le Komiti na amata faatalanoa ma faataatia mai lona tuufaatasiga i le tausaga 2007 ma ua atoa ai i le tausaga nei le valu (8) tausaga talu ona faagasolo fuafuaga uma seia maea lona tuufaatasiga. Matauina e le Komiti, e fa (4) vaega tetele o lo o vaevaeina ai sini ma faamoemoega o lenei TTF e aofia le:

- Faatonutonuina faaletulafono o le faamauina o faiaoga, e aofia ai le tuuina atu o o latou tusi faamaonia o le faamauina ma laisene faa-faiaoga, le ituaiga auala e faamauina ai, taofia le tumau o le faamauina, faaleaogaina ma le toe faamauina o faiaoga e le Fono a Faiaoga o Samoa ('Fono');
- Aiaia le faavaeina o le Fono faatasi ai ma ona sui auai, galuega tauave, ma tulafono faafoe e faasino i ana fonotaga;
- Faatonutonuina faaletulafono ai o tulaga faataatitia ma le solia ai o ia tulaga faataatitia tau tomiai faapitoa; ma
- Faavaeina le Komisi Faamasino lea e faapitoa mo le tagofiaina o faasea ma talosaga tetee faasaga i faaiuga e faia e le Fono.

Faamauina e le Komiti, o lenei TTF o le a avea ai le auaunaga faafaiaoga i le taimi muamua ma auaunaga e amanaia faaletulafono i lona tulaga tau tomiai faapitoa e pei o auaunaga faafomai, loia, inisia ma isi auaunaga faapena. O le faamoemoe autu lava ina ia faaleleia ma siitia le tomiai ma le agavaa o faiaoga aua le faatinoina o le auaunaga i lona tulaga manaomia ma lelei mo le aoaoina o alo ma fanau o le atunuu. O le manatu maua, a lelei ona faatonutonu ma faataatitia taiala mo le uunaia ma le faatinoina o le auaunaga faafaiaoga, o le a mautinoa le lelei faatino o le auaunaga i lona tulaga manaomia ma o le a siitia ai foi ma le tulaga o aoaoga mo alo ma fanau, aemaise o le talitonuga ma le faamoemoega o lo o i matua i le auaunaga faafaiaoga ma lona faatinoina.

I le aotelega o finagalo faaalua, na faamauina ai e le Komiti le mafuli o manatu i le lagolagoina o lenei TTF, peitai na iai ma atugaluga sa tuuina mai e teena ai lenei TTF ona o le manatu e faapea e le o talafeagai nisi o aiaiga ua faatulai mai e le TTF ma o lo o feteenai foi ma nisi o Tulafono a le tatou Malo. Na iloilo ma le totoa

e le Komiti ia manatu faaalua ma soalaupule mataupu uma sa tuuina mai i le fesoasoani a le Ofisa o le Loia Sili ma faamauina ai o lo o talafeagai pea aiaiga o lo o faataatitia mai, ma e le o iai foi se feteenaiga o iai ma nisi Tulafono e pei ona faailoaina e manatu tetee sa tuuina mai.

O le tasi o vaega na fesiligia e finagalo sa tuuina mai o le tulaga lea i le lē aofia ai o faiaoga i aoga maualuga tau lunivesite i aiaiga ua faatulai mai e le TTF. E manatu nisi e tatau lava ona aofia ai ma faiaoga o lo o tauaveina tiute faafaioga i aoga maualuluga tau lunivesite ona o le auunaga lava e tasi o lo o faatinoina, o le aoina lea o alo ma fanau. Faailoa e le Matagaluega o Aoga e le o se mataupu fou lena ona sa tele foi na fesiligia e le toatele i taimi o lo o faagasolo ai faatalatalanoaga ma le tuufaatasiga o lena TTF. O lo o manino le mafuaga tonu ua le aofia ai faiaoga o lunivesite ona e le gata o lo o iai lava Tulafono tau lunivesite ua faataatia ma aiaia ai galuega o ana faiaoga, ae faapea foi i le eseese o laasaga o aoga e faatulaga iai le lunivesite pe a faatusatusa i aoga maualuluga, aoga tulagalua ma aoga amata o lo o fitoitonu iai le TTF.

Na mafai foi ona soalaupule e le Komiti se tasi o atugaluga sa tuuina mai e nisi o aoga a Ekalesia ina ia faaopopo se isi sui auai o aoga a Ekalesia i totonu o le Fono e fua i luga o le faitauaofai o aoga a Ekalesia pe a faatusatusa i aoga tumaoti. Faailoa e le Matagaluega sa faatalanoaina foi lena mataupu i totonu o faatalatalanoaga o le TTF ma o le mafuaga atu lava ina ia tutusa avanoa e tuuina atu mo sui auai o aoga tumaoti ma aoga a Ekalesia i totonu o le Fono. Na lagolagoina e le Komiti lea tulaga ona e le gata mo le faamautuina o avanoa tutusa mo aoga i totonu o le Fono ae ona o le mafua o manatu e lagolagoina le faatulagana ua iai nei. E talitonu le Komiti o lo o iai lava le avanoa mo aoga a Ekalesia mo le filifiliina o ni o latou sui auai i totonu o le Fono mai i lea taimi i lea taimi ma e avanoa tutusa ai Ekalesia taitasi mo le nofoia ai o ia nofoa.

I le faagasolo ai o iloilogaga a le Komiti na faamauina ai le aoga tele o le auunaga o lo o faatinoina e faiaoga fesoasoani (teacher aide) e pei foi ona molimauina e nisi o aoga tumaoti mo aoga tulagalua ma aoga amata ae faapea foi i nisi o aoga maualuluga a Ekalesia. O le popolega o le toatele ina nei le mafai ona faaauauina nei auunaga ona o aiaiga o laisene mo faiaoga e pei ona faatulai mai e le TTF. Faailoa e le Matagaluega o lo o iai le avanoa i totonu o le TTF mo ia auunaga e aofia ai foi ma aoga taitoatasi (private tutorial) o lo o faatinoina e nisi o le mamalu o le atunuu, ma e i le Fono le faaiuga o le vaega tonu e aafia ai ia auunaga i le maea ai o ana iloilogaga i luga o talosaga e mafai ona tuuina atu.

Faamauina foi e le Komiti i ana iloilogaga se manaoga mo le faatuina ai o se faalapotopotoga po o se vaega mo faiaoga faaleoleo (substitute teachers) e tauaveina galuega a faiaoga pe a le saofia atu i aso aoga ona o ni mafuaga le

maalofia. O lea vaega e fausia mai i faiaoga ua malolo litaea ma o lo o iai le malosi ma le agavaa mo le faatinoina o le auauunaga. O le faamoemoe autu lava ina ia mafai ona faaauauina le tuuina atu o aoga mo fanau i soo se taimi aoga e aunoa ma se faalavelaveina ona o le lē auai o le faiaoga ona ua faataotolia i gasegase po isi mafuaga le maalofia. Faailoaina e le Matagaluega o lo o iai se fuafuaga a le Matagaluega mo le faia ai o sea vaega ina ia mautinoa le iai pea o faiaoga e faaauauina tiute faafaioga i totonu o aoga ma o se tasi o fuafuaga mamao o lo o silasila iai le Matagaluega.

I le faagasolo ai o iloiloga a le Komiti, na faamauina ai se manaoga ina ia faamanino atili aiaiga ua faatulagaina mo le Fuaiupu 20 o le TTF lea e aiaia ai laisene faa-faiaoga mo le faamauina atoatoa. O le vala sa matauina e le Komiti o le lē atoa pe sili atu foi o le taimi faatulagaina mo le aloaia ai o le laisene faa-faiaoga o le faamauina atoatoa lea e faatulagaina mo le 3 tausaga. Na mafai ona soalaupuleina e le Komiti lea tulaga i le galulue soosootauau ai ma ana fesoasoani ma faatuina ai teuteuga ua tuuina atu. E talitonu le Komiti, o sea teuteuga e le gata o le a faamanino ai aiaiga mo le aloaia ai o laisene faafaioga mo le faamauina atoatoa i le tolu tausaga ae o le a fesoasoani ai foi i le Fono ma le Matagaluega i le faatinoina ai o a laua galuega.

5. ILOILOGA AUILIILI O LE TULAFONO TAU FAAOFI:-

I le Iloiloina Auiliili o lenei TTF i ona Fuaiupu taitasi, ua faamalieina le Komiti o loo talafeagai aiaiga uma ua faatulaga mai seia vagana ai Teuteuga ua fautuina i Fuaiupu ua taua i lalo:

TEUTEUGA:

1. Fuaiupu 20

- (i) Ina ia soloia le fuaiupu 20 ma suia i le fuaiupu 20 fou e faapea:

“20. Laisene faa-faiaoga mo le faamauina atoatoa-(1) I le tuuina muamua atu ai i se faiaoga o le tusi faamaonia o le faamauina atoatoa, e ao foi i le Resitara ona tuuina atu i le faiaoga i totonu o le pepa faatumu faamaonia se laisene faa-faiaoga mo le faamauina atoatoa, ina ua maea ona totogiina le totogifuapauina faatonuina mo le laisene faa-faiaoga, i le noatia ma le fai fuafua i tuutuuga ua faaee atu e le Fono i lalo o le faafuaiupu (4).

(2) E aloaia le laisene faa-faiaoga o le faamauina atoatoa mo le tolu (3) tausaga, e mai i le aso sa tuuina atu ai.

(3) I totonu o le fa (4) masina a o lumanai ai ona muta le aoga o se laisene faa-faiaoga, e ao i le faiaoga ona talosaga i totonu o le pepa faatumu faamaonia ma tuuina atu faatasi ma le totogifuapauina faatonuina i le Fono.

(4) E mafai e le Fono, i le i ai po o le aunoa ai o ni tuutuuga ona faatagaina le faaopoopoina o le taimi o le laisene faa-faiaoga mo le faamauina atoatoa, lea e mafai ona aofia ai le faamaotiina o le vasega o aoga po o vasega o mataupu ia e faasino i ai le laisene.

(5) E ao i le Fono ona amanaia mea ua taua i lalo pe a faia se faaiuga o le talosaga mo le faaopoopoina o le taimi:

(a) so o se polokalame tau aoga o lo o faaauau pea ona tauaveina e le faiaoga a o faagasolo le vaitaimi o le laisene faa-faiaoga o i ai nei; po o

(b) le faiga o lo o iloilo ai faatinoga o galuega a faiaoga i so o se faiga faavae a le Malo po o, e le aoga o lo o galue faa-faiaoga ai; po o

(c) so o se isi lava mataupu faatonuina.”

2. Fuaiupu 21(1)

- (i) la soloia upu “fuaiupu 20(5)” o lo o aliae mai i totonu o le fuaiupu ma suia i upu “fuaiupu 20(4)” ina ia faitauina ai e faapea:

“21. Laisene lē tumau faa-faiaoga-(1) Afai ua faamatuu atu se tusi faamaonia o le faamauina lē tumau po o le faaopoopoina o le taimi o le faamauina lē tumau i lalo o le fuaiupu 15, e mafai e le Resitara ona tuuina atu i le pepa faatumu faamaonia, i le faiaoga se laisene lē tumau faa-faiaoga ina ua maea ai ona totogiina le totogifuapauina faatonuina mo le laisene faa-faiaoga, i le noatia ma le fai fuafua i tuutuuga e mafai ona faaee atu e le Fono i lalo o le fuaiupu 20(4).”

6. IUGAFONO:-

I le maea ai o iloiloga a le Komiti na faaiugafonoina ai e fautuaina le Fono Aoao, Ina ia faagasolo le Tulafono Tau Faaofi o Faiaoga 2015, faatasi ma Teuteuga.

7. MOLIMAU:-

I le faagasolo ai o iloiloga a le Komiti i luga o lenei TTF sa fofogaina ai molimau tuufofoga faatasi ai ma molimau tusitusia a i latou nei:

7.1 Molimau Tuufofoga

Komisi o Galuega a le Malo Tuu'u Dr. Ieti Taulealo	-	Taitaifono
Beth Onesemo Tuilaepa	-	Failautusi
Sosaiete Faiaoga Samoa Gatoloai Tili Afamasaga	-	Peresitene
Komiti o Aoga EKS Aeau Chriz Hazelman	-	Faatonu o Aoga
Komiti o Aoga EFKS Rev Vavatau Taufao	-	Faatonu Sili o Aoga
Komiti o Aoga EMS Rev Sailiai Tumaai	-	Faatonu Sili o Aoga
Komiti o Aoga SDS Seiuli Paul Wallwork	-	Faatonu o Aoga
Kolisi o Pesega Laulu T. Leauanae	-	Puleaoga
Aoga a le AMOSA Le Tagaloa Pita	-	Resitara
Aoga Tulagalua a Samoa (Samoa Primary) Anne Leauga	-	Puleaoga
Kolisi Ropati Lui Sitivinisone Masa Faasau	-	Puleaoga

7.2 Molimau Tusitusia

Komisi o Galuega a le Malo Tuu'u Dr. Ieti Taulealo	-	Taitaifono
Beth Onesemo Tuilaepa	-	Failautusi
Komiti o Aoga EMS Rev Sailiai Tumaai	-	Faatonu Sili o Aoga

8. SAINI A SUI O LE KOMITI.

Tofa LENATAI Victor Faafoi Tamapua
TAITAFONO.

Susuga IFOPO Matia Filisi
SUI TAITAFONO

Tofa AVEAU Tuala Lepale Niko Palamo
SUI USUFONO

Tofa TUSA Misi Tupuola
SUI USUFONO.

Tofa LEVAOPOLO Talatonu
SUI USUFONO.

Afioga TUFUGA Gafualeata Faitua
SUI USUFONO.

Tofa TUILEUTU Alavaa Voi
SUI USUFONO.